

RESOLUCIÓN DA XEFATURA TERRITORIAL DA CONSELLERÍA DO MAR NA CORUÑA, POLA QUE SE CONVOCA O PROCESO SELECTIVO PARA O ACCESO AO PERMISO DE EXPLOTACIÓN, MODALIDADE OURIZO A PÉ PARA O EXERCICIO DA ACTIVIDADE EXTRACTIVA NA CONFRARÍA DE PESCADORES DE O PINDO.

ANTECEDENTES

1. O plan de explotación de ourizo a pé da confraría de pescadores de O Pindo (PE410A 2021/17-1), aprobouse para o trienio 2022-2024 mediante a Orde do 22 de decembro de 2021 pola que se aproban os plans de xestión para recursos específicos e algas en Galicia. (DOG Núm. 251, do 31.12.2021).
2. De conformidade co expediente de aprobación do plan de explotación de ourizo a pé para o trienio 2022-2024, indicábase que o número máximo de participantes no plan mantense en quince (15) permisos.
3. O 06.04.2022 esta xefatura territorial remitiu información á confraría de pescadores de O Pindo sobre as prazas vacantes a pé existentes para a explotación dos diferentes recursos ao abeiro dos plans de xestión aprobados á entidade para que presentasen as observacións que considerasen oportunas no prazo de 3 días hábiles. Na mesma data, a confraría indica a súa conformidade á proposta realizada.
4. Por resolución do 13.09.2022, esta xefatura territorial convocou un proceso selectivo para a obtención de catro (4) permisos de explotación, modalidade de ourizo a pé para o exercicio da actividade extractiva na confraría de pescadores de O Pindo. Neste proceso esixíase que so se poderían presentar aquelas persoas que contasen cun permiso de explotación a pé (marisqueo xeral, percebe e/ou poliquetos) en vigor e que quixeran complementar a súa actividade extractiva con outro recurso específico.



5. O 18.10.2022 esta xefatura territorial emitiu unha nova resolución pola que se deixaba sen efecto a resolución anterior. Non houbo ningunha persoa aspirante afectada e con isto preténdese dar a posibilidade de que todos os mariscadores de O Pindo cun permiso de explotación en vigor poidan acceder ao número máximo de permisos de explotación e así mellorar a súa capacidade económica.
6. O número de permisos vixentes nesa entidade na actualidade é de dez (10) permisos, xa que o 26.09.2022 xubilouse un mariscador desta confraría, polo tanto, son cinco (5) as prazas a cubrir ata acadar o número máximo de quince (15) permisos establecidos no plan.

CONSIDERACIÓNS LEGAIS E TÉCNICAS.

1. A Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia, determina na Sección 1ª do Capítulo II, o procedemento para a obtención do permiso de explotación a pé para recursos específicos, entre os que figuran o ourizo.
2. Todas as solicitudes que cumpran os requisitos sinalados nesta resolución serán valoradas de acordo co baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para obter o permiso de explotación a pé para recursos específicos e que figura como anexo B desta resolución.
3. Esta xefatura territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio, e polo Decreto 48/2013, do 7 de marzo.

De acordo con todo o anterior, e co disposto na disposición transitoria primeira do Decreto 245/2009, do 30 de abril (DOG nº 84, do 1 de maio de 2009), polo que se regulan as delegacións territoriais da Xunta de Galicia, e no Decreto 177/2016 (DOG nº 239, do 16 de decembro de 2016), polo que se fixa a estrutura orgánica da Vicepresidencia e das consellerías da Xunta de Galicia, esta xefatura territorial no exercicio das súas competencias,



RESOLVO:

Convocar o proceso selectivo para a obtención de cinco (5) permisos de explotación, modalidade de ourizo a pé para o exercicio da actividade extractiva no ámbito do plan de xestión do ourizo da confraría de pescadores de O Pindo, con suxeición ás bases da convocatoria recollidas no anexo A.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do Procedemento Administrativo Común das Administracións Públicas.

A xefa territorial
María José Cancelo Baquero
(sinatura dixital)





ANEXO A

Bases da convocatoria.

1. Normas xerais.

- 1.1. O obxecto do proceso selectivo será o outorgamento de cinco (5) permisos de explotación, modalidade de ourizo a pé, para o exercicio da actividade extractiva no ámbito do plan de xestión de ourizo da confraría de pescadores de O Pindo.
- 1.2. Este proceso vai dirixido a aquelas persoas que contén cun permiso de explotación a pé (marisqueo xeral, percebe e/ou poliquetos) en vigor e incluídas no censo de mariscadores dos plans de xestión da confraría de pescadores de O Pindo, aprobados dentro do Plan xeral de explotación marisqueira para o trienio 2022-2024 e que queiran complementar a súa actividade extractiva con outro recurso específico.

1.3. Requisitos das persoas candidatas.

Para seren admitidas ao proceso selectivo as persoas aspirantes deberán, consonte ao artigo 17º do Decreto 425/1993, do 17 de decembro, e o artigo 9º da Orde do 30 de decembro de 2015, cumprir no día de finalización do prazo de presentación de solicitudes e manter ata o momento da expedición do permiso de explotación os seguintes requisitos:

- a) Estar empadroada nun concello do litoral de Galicia.
- b) Ser maior de 18 anos ou menor emancipada e non superar a idade esixida para ter dereito á pensión de xubilación, na súa modalidade contributiva, conforme o previsto na normativa en materia de Seguridade Social.
- c) Non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia. Os perceptores da renda de integración social en Galicia poderán acceder ao proceso de selección, debendo renunciar a ela no momento do outorgamento do permiso de explotación.
- d) Non estar incapacitada para exercer os labores de marisqueo.

1.4. Solicitudes, documentación, prazo e lugar de presentación.

As persoas interesadas dirixirán a súa solicitude á xefatura territorial da Coruña, empregando o modelo que está a disposición na páxina web da Sede Electrónica da Xunta de Galicia <https://sede.xunta.gal> (que tamén se acompaña a estas bases no Anexo D).



O prazo para a presentación das solicitudes será de quince (15) días hábiles, contados desde o día seguinte ao da publicación desta convocatoria no taboleiro de anuncios desta xefatura territorial e na páxina web <http://www.mar.xunta.gal>.

Esta convocatoria tamén estará exposta, con carácter informativo, no taboleiro de anuncios da confraría de pescadores de O Pindo e da xefatura comarcal de Ribeira.

As solicitudes dirixiranse á xefatura territorial da Coruña e presentaranse directamente ou a través das entidades asociativas do sector.

As solicitudes e a documentación acreditativa, deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) de acordo co establecido nos artigos 27 da lei 11/2007, do 22 de xuño, de acceso electrónico dos cidadáns aos servizos públicos e 24 do Decreto 198/2010, do 2 de decembro, polo que se regula o desenvolvemento da administración electrónica na Xunta de Galicia e nas entidades dela dependentes.

Opcionalmente, tamén se poderán presentar en soporte papel en calquera dos lugares e rexistros establecidos no artigo 16 da Lei 39/2015 de 1 de outubro, do Procedemento Administrativo Común das Administracións Públicas utilizando o formulario normalizado dispoñible na sede electrónica da Xunta de Galicia.

A falsidade dos datos esenciais para a selección das persoas aspirantes dará lugar á súa exclusión automática do proceso selectivo.

Xunto coa solicitude presentarse:

a) Xustificante de ter aboado as taxas correspondentes. A presentación do xustificante do ingreso das taxas sen o selo da entidade bancaria con indicación da data determinará a exclusión da persoa aspirante. En ningún caso a presentación deste xustificante suporá substitución da presentación en tempo e forma da solicitude.

b) Copia acreditativa do documento nacional de identidade. Este documento só se presentará no caso de non acreditar consentimento expreso para comprobar os datos de identidade mediante consulta ao sistema de verificación de datos de identidade, de acordo co Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización dos medios electrónicos, e a Orde do 7 de xullo de 2009, pola que se desenvolve o antedito decreto.



c) Copia acreditativa da documentación que acredita cada un dos aspectos que se van a valorar segundo o baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro pola que se aproba o baremo para obter o permiso de explotación a pé para recursos específicos (anexo B):

c.1) Demandante de emprego:

Informe actualizado dos períodos de inscrición do servizo público de Emprego acreditando o tempo que estivo inscrito como demandante de emprego, expedido pola oficina de emprego xunto co Informe actualizado da vida laboral, expedido polo Instituto Social de la Marina ou pola Tesourería Xeral da Seguridade Social (á data de resolución da convocatoria ou posterior).

Non será necesario presentar a documentación deste apartado, en caso de autorización á Consellería do Mar para a consulta destes datos.

No suposto de imposibilidade material de obter o documento, a xefatura territorial poderá requirirle á persoa solicitante a súa presentación ou, na súa falta, a acreditación por outros medios dos requisitos a que se refire o documento, con anterioridade á formulación da proposta de resolución, de acordo co disposto no artigo 49.2 da Orde do 30 de decembro de 2015, pola que se regula a explotación dos recursos específicos na Comunidade Autónoma de Galicia.

c.2) Formación:

- Actividades de formación: Diplomas, acreditacións ou certificados de asistencia a cursos, seminarios e xornadas ou asimiladas inscritas no catálogo de actividades formativas recoñecidas para o baremo do marisqueo a pé para recursos específicos (anexo C e tamén dispoñible na páxina web <http://www.mar.xunta.gal>) na data da convocatoria. Unicamente se valorarán as actividades formativas que estean finalizadas na data de publicación da convocatoria.

- Titulación académica. Copia acreditativa da titulación académica.

c.3) Experiencia profesional:

- Estar en posesión dos permisos de explotación para marisqueo a pé para recursos específicos e/ou para marisqueo a pé xeral nos dous últimos anos anteriores á data da convocatoria. Non será necesario en caso de autorización á Consellería do Mar para a consulta destes datos.



- Caderno de navegación con embarques como mergullador/a en embarcacións que contan coa modalidade de ourizo no seu permiso de explotación nos 2 anos anteriores á data da convocatoria.

c.4) Empadramento nun concello situado no ámbito territorial da confraría de pescadores de O Pindo, durante un período mínimo de 1 ano anterior á data da convocatoria.

Certificación actual de empadramento no que conste a antigüidade. Este documento só se presentará no caso de non acreditar consentimento expreso para comprobar os datos de residencia mediante consulta ao sistema de verificación de datos de residencia, de acordo co Decreto 255/2008, do 23 de outubro, e a Orde do 7 de xullo de 2009.

No suposto de imposibilidade material de obter o documento, a xefatura territorial poderá requirirille á persoa solicitante a súa presentación ou, na súa falta, a acreditación por outros medios dos requisitos a que se refire o documento, con anterioridade á formulación da proposta de resolución, de acordo co disposto no artigo 49.2 da Orde do 30 de decembro de 2015, pola que se regula a explotación dos recursos específicos na Comunidade Autónoma de Galicia.

d) Declaración responsable de que cumpre os requisitos esixidos no artigo 17 c), e), f) e g) do Decreto 425/1993, do 17 de decembro (incluída no modelo de solicitude). As persoas perceptoras da renda de integración social poderán acceder ao proceso de selección, e deberán renunciar a ela no momento do outorgamento do permiso de explotación.

1.5. Emenda da solicitude.

A xefatura territorial da Coruña, como órgano responsable da tramitación e resolución das solicitudes, comprobará que estas reúnen os requisitos establecidos. De non ser así, requiriráselle á persoa interesada, para que nun prazo de dez (10) días hábiles a emende, con indicación de que se así non o fixese se lle terá por desistida da súa petición logo de resolución expresa.

A notificación do requirimento, por tratarse dun acto integrante dun procedemento de concorrencia competitiva e de conformidade co establecido nos artigos 42, 43 e 45 da Lei 39/2015 de 1 de outubro, poderá realizarse mediante publicación no taboleiro de anuncios desta xefatura territorial e na páxina web <http://www.mar.xunta.gal> e producirá os mesmos efectos que a notificación individualizada. Esta publicación tamén se realizará, con carácter informativo, no taboleiro de anuncios da confraría de pescadores de O Pindo e da xefatura comarcal de Ribeira.



2. Proceso selectivo.

As solicitudes, que cumpran os requisitos establecidos, serán admitidas ao proceso selectivo e serán valoradas consonte ao baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro (anexo B).

Unha vez baremadas as solicitudes, a xefatura territorial publicará unha relación provisional de persoas admitidas indicando a puntuación acadada por cada unha delas. Nesta relación recolleranse as persoas excluídas do proceso e as causas de dita exclusión.

Esta resolución publicarase no taboleiro de anuncios desta xefatura territorial e na páxina web <http://www.mar.xunta.gal>. A resolución tamén se exporá, con carácter informativo, no taboleiro de anuncios da confraría de pescadores de O Pindo e da xefatura comarcal de Ribeira.

Contra esta relación provisional, as persoas interesadas poderán presentar, perante a xefatura territorial, cantas alegacións estimen oportunas durante un prazo quince (15) días hábiles contados desde o día seguinte ao da publicación desta relación provisional.

O feito de figurar na relación de admitidos/as non prexulga que se lles recoñeza ás persoas interesadas a posesión dos requisitos esixidos no procedemento que se convoca. Cando da documentación que debe presentarse, no caso de superar o proceso selectivo, se desprenda que non posúen algún dos requisitos, as persoas interesadas decaerán en todos os dereitos que puideren derivar da súa participación no procedemento.

3. Listaxe de persoas seleccionadas, presentación de documentación e concesión de permiso de explotación

3.1. Listaxe de persoas seleccionadas.

A cualificación do proceso selectivo virá determinada pola suma das puntuacións obtidas nos distintos conceptos baremables.

No suposto de empate nas puntuacións de dous ou máis aspirantes, este resolverase consonte ao baremo aprobado pola Resolución do 4 de maio de 2016, da Dirección Xeral de Desenvolvemento Pesqueiro (anexo B).

Unha vez finalizado o prazo de presentación de alegacións e unha vez analizadas estas, a xefatura territorial ditará unha resolución, coa relación definitiva das persoas que superaron o proceso selectivo, por orde de puntuacións acadadas, con



indicación do seu documento nacional de identidade, así como aquelas que non o superaron.

A listaxe de persoas non seleccionadas constituirá unha lista de reserva que terá unha vixencia dun (1) ano contado desde o día seguinte ao da data da resolución da xefatura territorial.

A resolución coa relación definitiva publicarase no taboleiro de anuncios desta xefatura territorial e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios da confraría de pescadores de O Pindo e da xefatura comarcal de Ribeira.

3.2. Presentación da documentación.

A partir do día seguinte ao da publicación da relación definitiva, as persoas que superaron o proceso selectivo disporán dun prazo de quince (15) días hábiles para a presentación dos seguintes documentos:

a) Certificado de estar empadroada nun municipio do litoral de Galicia. Esta documentación non será necesaria que se presente no caso de consentimento expreso da persoa para comprobar os datos de residencia mediante consulta ao sistema de verificación de datos de acordo co Decreto 255/2008, do 23 de outubro, e a Orde do 7 de xullo de 2009.

b) Certificado da Seguridade Social de non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia. As persoas perceptoras da renda de integración social deberán renunciar a ela. Non será necesario en caso de autorización á Consellería do Mar para a consulta destes datos.

c) Documentación acreditativa de non estar incapacitada para exercer os labores de marisqueo.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base 1.2, entenderase que desisten da súa solicitude.

Neste suposto, emitirase unha nova resolución consonte aos prazos e forma recollidos nos parágrafos anteriores, declarando seleccionada/s a/as persoa/s que figuren na lista de reserva.



3.3. Outorgamento dos permisos de explotación.

De acordo co disposto no Decreto 425/1993, do 17 de decembro e a Orde do 30 de decembro de 2015, as persoas seleccionadas que presentaron a documentación dentro do prazo establecido deberán cumprir cos seguintes requisitos para a obtención do permiso de explotación:

- a) Estar en posesión do certificado profesional correspondente.
- b) Non ter sancións firmes en vía administrativa en materia de protección de recursos mariños, pendentes de pagamento.
- c) Non ser armador/a dunha embarcación que teña algunha modalidade de recursos específicos no seu permiso de explotación.
- d) Non ter acreditación de tripulante habilitado para a explotación de percebe nunha embarcación.

A xefatura territorial ditará resolución concedendo ou denegando o permiso de explotación para o marisqueo a pé, na modalidade de ourizo conforme ao establecido no artigo 6 do Decreto 425/1993, do 17 de decembro de 1993.

